

醫壘之戎

名醫別錄

平辨脈法歌括

局之發揮



大字
精校
陳脩園醫書全集

醫
田
壘
元
戎

傷寒不可汗不可下不可吐諸證

大發春宜吐夏宜汗秋宜下凡用藥汗及吐下渴劑皆中病即止

若少陽病脈微不可發汗亡陽故也宜附子湯 若陽已虛尺中弱濇者復不可下之

宜小柴胡湯 若動氣在左在右在上在下並不可發汗宜柴胡桂枝湯 若少陰病

脈細沉數病在裏不可發汗宜當歸四逆湯 若少陽病不可發汗宜小柴胡湯 若

咽中閉塞咽喉乾燥亡血衄家淋家瘡家不可發汗已上六證並宜小柴胡湯 若下

利清穀不可發汗宜理中湯四逆湯之類 若四逆厥及虛家皆不可吐厥者宜當歸

四逆湯 虛宜附子湯 有熱人宜黃耆人參建中湯 若少陰膈上寒乾嘔不可吐

宜小半夏加橘皮湯溫中丸 若咽中有動氣不可下咽中閉塞不可下宜烏扇湯

若外實者不可下諸四逆厥者不可下虛家亦然厥宜當歸四逆湯 虛者宜附子湯

有熱宜黃耆人參建中湯 本虛攻其實必噦宜小柴胡湯 若脈浮而緊法當身

疼痛宜以汗解假令尺中遲者不可發汗榮氣不足血少故也宜小柴胡湯 若脈濡

而緊濡則衛氣弱緊則榮中寒陽微衛中風發熱而惡寒榮緊衛氣冷微嘔心內煩此

不可汗宜小柴胡湯 若濡而弱不可發汗宜小柴胡湯 若浮而大浮為氣實大而

血虛小便當赤而難胞中當虛今反小便利而大汗出法應衛家微可與小建中湯

